

SKUPŠTINA KANTONA SARAJEVO
NAROD I PRAVDA

VLADA KANTONA SARAJEVO
MINISTARSTVO ZDRAVSTVA KS
UNIVERZITETSKI KLINIČKI CENTAR SARAJEVO

PREDMET: ZASTUPNIČKA INICIJATIVA

Na osnovu članova 106. i 214. Poslovnika Skupštine Kantona Sarajevo ("Službene novine Kantona Sarajevo" broj 41/12 - Drugi novi prečišćeni tekst, broj 15/13, 47/13, 47/15, 48/16, 9/20, 14/20, 16/22, 17/22 – Ispravka i 47/24) podnosim zastupničku inicijativu Vladi Kantona Sarajevo:

Da pristupi izradi novog ili dopuni postojećeg pravnog rješenja kojim je uspostavljen Registar transfera neprofitnim organizacijama i pojedincima iz budžeta Kantona Sarajevo kako bi se Registar uspostavio za sve pravne subjekte u Kantonu Sarajevo kojima je Kanton osnivač, a koje također dodjeljuju transfere.

Također tražim da se, kako postojeći, tako i novi registar organizuju na način kako je to slučaj kod Registra javnih nabavki, sa priložima: predsjednik udruženja/osoba ovlaštena za zastupanje udruženja, projekat za koji su dodijeljena sredstva, ugovor, te fakture na osnovu kojih je opravdan budžet projekta ukoliko se radi o udruženju.

OBRAZLOŽENJE:

Kako transfere dodjeljuju i pravni subjekti kojima je osnivač Kanton Sarajevo, a koji nisu budžetski korisnici, neophodno je, s obzirom da se također radi o javnim sredstvima, uspostaviti registar transfera, a što bi osiguralo lakše praćenje realizacije projekata, ali i namjenskog utroška sredstava. Ovim bi se također smanjila mogućnost zloupotrebe udruženja da istim fakturama pravdaju troškove različitim sufinansijerima čime bi se i smanjili rizici kojima su izloženi svi subjekti od javnog interesa sa aspekta redovnih i vanrednih finansijskih, poreznih ili inspekcijских kontrola. Kako je moguće da jedno lice ili sa njim povezana lica budu osnivači više udruženja, a svi mogu aplicirati i dobiti javna sredstva od istog pravnog subjekta što usložnjava praćenje namjenskog utroška sredstava, potrebno je da u registru budu javno dostupni i podaci o predsjedniku udruženja, te osobi ovlaštenoj za zastupanje ukoliko se razlikuje od podatka o predsjedniku udruženja. Tekući transferi zauzimaju značajan aspekt i prilikom isticanja mišljenja nezavisnih revizorskih kuća, a posebno u revizijama Ureda za reviziju institucija Federacije BIH, a sva pravna lica kojima je osnivač Kanton Sarajevo su godišnje obavezna osigurati mišljenje neovisne revizorske kuće ukoliko nisu obuhvaćene godišnjim planom Ureda za reviziju institucija FBIH, te su kriteriji za dodjelu i ocjenu opravdanosti utroška transfera često istaknuti u osnovama za mišljenje zbog čega smatram da je ovakav registar od izuzetnog javnog interesa.

Sarajevo, 11.12.2024.

Mersiha Mehmedagić, zastupnica, s.r.